



UNIVERSITÄTS-
BIBLIOTHEK
PADERBORN

Universitätsbibliothek Paderborn

Microsynodus Treverina

Mosham, Ruprecht von

[Solingen], 1540

VD16 M 6437

Der ander vnnd klainer sendbrieff an hoehermächten meinen genedigsten
Herrn vonn Trier durch obgedachtenn Thumbtechant aus Colln/ den XXIII.
feb. Anno MDXL.

urn:nbn:de:hbz:466:1-36773

Der ander vnd klainer sendbrieff an
hoehermächten meinen gnedigsten herrn vom Trier
durch obgedachtenn Thumbrechtant aus Colln/
den XXIII. Feb. Anno MDXL.

Schwidigster Fürst gnedigster her. E. C. G.
sein mein gehorsam alzeit willig dienst zuvor
an bereit. *Post scripta* D langē Epistel vñ erma-
nung an E. C. G. gestelt. vñ sambt andern ge-
schafftē vñ copeiē zehandē des hern Cärlers gefertigt
Sueg ich E. C. G. ferner vñ dheniger meinūg zuuer-
nemē. Nach dē mein gnedigster herr vñ Coln mich nun
siebē woche sambt meinen pferden vñ gesind allhie vñ
zu Bischhosen aller ding kostfrey gehalten vñ aufgelo-
set. Vñ nun als die R. K. u. Ma. wid mein hoffnung
hieher gen Coln nit antomen ist. vñ die gros notturfft
erfordert dz dieser großwichtigē handlung auch die R.
Key. vñ R. u. Ma. einē bestēdigē bericht entpfahē. so
hat mich jr E. C. G. nit leger vñ haltē wolle. vñ mir zu einē
abschid funzig goltg in Jochimstaler sambt aller ob-
ermelter vñ dhaltē gnediglich veert. Dz hab ich mei-
nē G. hern vñ Coln zu lob vñ preys. vñ damit E. C. G.
meiner not vñ meines fernern furnemens. dadurch ich
bey mir beschlossē. die R. K. ay. vñ R. u. Ma. auffz fur-
derlichst so es suglich beschēhē mag zubesuchē. ein wis-
sen hettē. nit wolle vñ haltē. Vñ sondlich. dz ich auch al-
hie zu Coln in grosser vbung steē vñ mich bemuehe. Da-
mit die löblich vñ hochberuembt Vniversitet alhie mei-
ner leere meiner vier bñcher. vñ alles meines furnemēs
grūd vñ gutbedunckē anhörē vñ vnemē woltē. damit
sie des der R. K. Key. vñ R. u. Ma. ein gute zeugnis vñ
kündschafft auch einē bestēdigē grūd zuschreibē möch-
tē. Das wer meins achtēs zu dieser grossen sachē hoch
furtherlich vñ dienstlich.

Ich bit E. C. G. die wollē meine getrew hertzliche
vñ Chriſtliche ermanung in der langen Epistel an E.
C. G. geſchriben vñ vergriffen. gnediglich verſteen vñ
annemē. Vnd ſich ob dē ſcharpfen vñ hohen doch not
wendigen anzug nicht entſezē. Dan wie Titus Livi
us ſpricht: *Cogunt libere loqui ultima neceſſitates.* So ſpricht
auch der weyß Salomon: *Meliora ſunt vulnera diligentis, q̄
fraudenta oscula odientis.* Die kräc̄heit vñ das vbel in vn
ſer gemeinē kirchē vñ dem heiligen Römischē Reich
iſt groſß, verderblich vñ tödlich, darüb kan die ärzney
nit ſües, lieblich vñ angenē ſein. Es brauchen auch die
allerſenſemütigſten tugentlichſten ärztz in *desperatis &
lethalibus morbis, cauteria, uſtiones, ſectiones, periculoſiſſima &
acerbiſſima remedia.* Dieſes alles vnd dergleichē werde E.
C. G. als ein hochuerſtediger Churfurſt wol wiſſen zu
bedenckē vnd zu beherzigē. Ich hab auch die gemelte
lang Epistel vnd ermanung deſt freier vnd fleißiger
beſchriben vnd vergriffen, damit ſie E. C. G. auch an
dern, welche vō dieſem ſchlaff aufzewecken, mit teyln
vnd gemainmachen mochten, *ut communis mali ſit etiam com
mune remedium & cura communis.*

Vñ dieweil ich mich dā auch bey E. C. G. einer gne
digen hilff, ſteuer vnd fürderung gētzlich vnd vngē
zweifelt vertruſt vñ verſich, ſo hab ich auch derhalbē
einē ſolchē botten Johān Stockfiſch genēt, mit dieſer
handlūg geſchickt, welche E. C. G. als einē burger vñ
angeſeſſen alhie wol mogē was mit dieſelbē zuordnen
wollen, vertrauē. Vnd thue alſo E. C. G. mich hiemit
vndertheniglich beuelhē. Datū XXII. Feb. An. MDXL.

E. C. G. Vndertheniger
gehorsamer

Rueprecht von Moſham
D. Thübrechant zu Paſſau
Rö. R. N. Nach eigener
handt vnderſchriben.